

LÖG VERKALÝÐSFÉLAGS VESTFIRÐINGA - VERK VEST

1. KAFLI NAFN FÉLAGSINS OG HLUTVERK	3
1. grein. Nafn félagsins og félagssvæði	3
2. grein. Heimili, varnarþing og aðild	3
3. grein. Tilgangur félagsins	3
4. grein. Skipting deilda og hlutverk	3
5. grein. Starfssvið.....	4
2. KAFLI INNGANGA Í FÉLAGIÐ, FÉLAGSAÐILD OG ÚRSÖGN.....	5
6. grein Réttur til inngöngu	5
7. grein. Innganga í félagið	5
8. grein. Aukafélagar/ Aukaaðild	5
9. grein. Úrsögn.....	5
3. KAFLI RÉTTINDI OG SKYLDUR FÉLAGSMANNA	6
10. grein. Réttindi fullgilda félagsmanna	6
11. grein. Skyldur félagsmanna.....	6
12. grein. Félagsskírteini	6
13. grein. Viðurlög við brotum	6
4. KAFLI FÉLAGSGJÖLD	7
14. grein. Félagsgjöld	7
5. KAFLI SKIPAN EMBÆTTA, ÁBYRGÐ OG HLUTVERK	7
15. grein. Stjórn félagsins	7
16. grein. Trúnaðarráð	8
17. grein. Samninganefnd	8
18. grein. Kjörnefnd	8
19. grein. Kosningar og allsherjaratkvæðagreiðsla	9
20. grein. Kjörstjórn	9
21. grein. Siðanefnd, starfs- og siðareglur.....	9
22. grein. Launaneftnd.....	10
23. grein. Fulltrúar á þingum	10
6. KAFLI AÐAL- OG FÉLAGSFUNDIR	10
24. grein. Aðalfundur	10
25. grein. Félagsfundir.....	10
7. KAFLI FJÁRMÁL.....	11
26. grein. Sjóðir félagsins	11
27. grein. Félagsjóður	11
28. grein. Sjúkrasjóður	11
29. grein. Orlofssjóður.....	11
30. grein. Fræðslu- og styrktarsjóður	11
31. grein. Vinnudeilusjóður	12
32. grein. Ársreikningur.....	12
33. grein. Skoðunarmenn reikninga og endurskoðandi	12
8. KAFLI ÖNNUR ÁKVÆÐI.....	12
34. grein. Breytingar á lögum þessum	12
35. grein. Félagsslit	12

1. KAFLI NAFN FÉLAGSINS OG HLUTVERK

1. grein. Nafn félagsins og félagssvæði

Félagið heitir Verkalýðsfélag Vestfirðinga, -skammstafað Verk-Vest.

Verkalýðsfélag Vestfirðinga samanstendur af eftirtoldum verkalýðsfélögum á Vestfjörðum:
Vlf. Baldri, Verslunarmannafélagi Ísafjarðar, Sjómannafélagi Ísfirðinga, Sveinafélagi byggingamanna,
Vlf. Skildi Flateyri, Vlfs. Súganda Suðureyri, Vlf. Brynju Þingeyri, Vlf. Vörn Bíldudal,
Vlfs. Tálknafjarðar, Vlf. Patreksfjarðar, Vlfs. Gretti Reykhólum, Vlfs. Kaldrananeshrepps Drangsnesi,
Vlf. Hólmavíkur og Vlfs. Álftfirðinga Súðavík sem áður voru aðildarfélög Alþýðusambands
Vestfjarða..

Stjórn félagsins er heimilt að veita viðtöku öðrum stéttarfélögum sem kunna að ganga til liðs við
félagið enda sé það samþykkt á aðalfundi með 2/3 hlutum greiddra atkvæða.

Félagssvæðið er Vesturbyggð, Tálknafjarðarhreppur, Reykhólahreppur, Ísafjarðarbær,
Súðavíkurhreppur, Hólmavíkurhreppur, Kaldrananeshreppur, Árneshreppur, Broddaneshreppur og
Bolungarvíkurkaupstaður vegna verslunar- og iðnaðarmanna.

2. grein. Heimili, varnarþing og aðild

Heimili félagsins og aðalskrifstofa er Hafnarstræti 9, 400 Ísafirði og er varnarþing félagsins á Ísafirði.
Félagið er aðili að Alþýðusambandi Íslands, svo og sérsamböndum sem við á og eru í
Alþýðusambandi Íslands. Einnig getur félagið sótt um og gerst aðili að öðrum landssamböndum ef það
er talið eiga við vegna starfsgreina.

3. grein. Gildi og tilgangur félagsins

Gildi félagsins eru heiðarleiki, réttlæti og trúnaður sem byggir á baráttu fyrir bættum kjörum
félagsmanna.

Verkalýðsfélag Vestfirðinga er virkt afl á vinnumarkaði. Tilgangur félagsins er að verja, efla og
styrkja réttindabaráttu launafólks ásamt því að bæta hag og menntun á því svæði sem félagið nær yfir
með því meðal annars:

- a) Að sameina innan sinna vébanda allt það launafólk, er vinnur á starfssvæði félagsins við þau störf
sem kjarasamningar félagsins ná til, sbr. 5. gr.
- b) Að vinna að sameiginlegum hagsmunamálum félagsmanna, svo sem með því að semja um kaup
og kjör þeirra og aðbúnað á vinnustað og gæta þess að ekki sé gengið á rétt þeirra.
- c) Að standa vörð um réttindi og hagsmuni félagsmanna í atvinnumálum.
- d) Að stuðla að því að félagsmenn geti notið orlofs og annarra frístunda sem best til hvíldar og
menningaráuka.
- e) Að efla þekkingu félagsmanna og trúnaðarmanna félagsins á réttindamálum á vinnumarkaði og
upplýsa þá um réttindi þeirra og skyldur.
- f) Að vinna að hverskonar fræðslu- og menningarmálum sem beint eða óbeint geta komið
félagsmónum til góða.
- g) Að standa vörð um hagsmuni félagsmanna gagnvart stjórnvöldum og löggjafarvaldi.
- h) Að vinna að bættri félagsmálalöggjöf og framgangi þeirra mála sem verða mega til þess að auka
réttindi og bæta kjör alþýðu manna um land allt.
- i) Að hafa vinsamlegt samstarf við önnur stéttarfélög, landssambönd og Alþýðusamband Íslands.

4. grein. Skipting deilda og hlutverk

Innan Verk Vest starfa eftirtaldar starfsgreinadeildir þar sem hópar launafólks er hafa sérstöðu um
fagleg málefni og kaup og kjör eiga samleið:

1. Matvæla- og þjónustudeild SGS.

2. Opinber deild SGS.
3. Verslunar- og skrifstofudeild.
4. Sjómannadeild.
5. Iðnaðardeild.

Deildirnar kjósa sér stjórn sem í skulu eiga sæti þrír aðalmenn og tveir til vara. Félagsdeildir skulu hafa með höndum sérmál sinnar deilda.

Formanni félagsins er heimilt að úthluta verkefnum til starfsgreinadeilda og getur kallað formenn deilda til verkefna þegar hann telur þörf á.

Stjórn félagsins hefur yfirumsjón með starfsemi deilda og fjármálum þeirra. Kostnaður af starfsemi deilda greiðist úr félagssjóði, skv. samþykkti fjárhagsásætlun en allar fjárskuldbindingar verða áður að hljóta samþykki félagsstjórnar.

Trúnaðarráð tekur ákvörðun um myndun eða fækken/fjölgun starfsgreinadeilda og hvernig félagsmenn raðast í deildir. Nánar skal kveðið á um starfsemi deilda í reglugerðum deilda sem skulu hljóta samþykki meirihluta greiddra atkvæða á aðalfundi félagsins.

5. grein. Starfssvið

Félagið kappkostar að standa vörð um hagsmunamál allra þeirra sem búsettir eru á félagssvæðinu og starfa við einhverja eftirtalinna starfsgreina eða öðrum hliðstæðum sem til staðar eru eða skapast kunna og samningar félagsins ná til. Þetta á við um svo sem:

- 1) Allt launafólk sem vinnur að/við/sem:
 - a) hvers konar vinnslu sjávarafurða og fiskeldi,
 - b) almenn landbúnaðarstörf á bændabýlum, alidýrarækt og ræktun hverskonar,
 - c) slátrun, afurðastöðvar og mjölvinnslu hvers konar,
 - d) sjúkrahús, heilsuhæli, dvalarheimili og aðrar hliðstæðar stofnanir, svo sem heimilisaðstoð, liðveitendur, persónuleg þjónusta við fatlaða einstaklinga og önnur aðstoð við aldraða og fatlaða,
 - e) veitinga- og gistihús og hverskonar ferðaþjónustu,
 - f) ræstingar, þrif, hreingeringar og sorphreinsun,
 - g) fjarvinnslu, skráningu og hliðstæð störf,
 - h) varðstörf, öryggisvörsu, fjármunaflutninga, dyraverði, næturverði og vaktmenn,
 - i) matsveina, matartækna, matráða og starfsfólk í mótneytum svo og ráðskonur og matráða á bændabýlum,
 - j) lestun og losun skipa og hverskonar annarra flutningatækja, svo og móttöku og frágang farma,
 - k) olíu-, ryðvarnar-, bón-, smur- og bensínstöðvar,
 - l) dekkja-, bifreiða-, járn- og vélaverkstæði,
 - m) orkufreikan iðnað, jarðgangagerð, virkjanir og aðrar sambærilegar stórframkvæmdir,
 - n) hafnargerð, vegagerð, skurðgröft, flutninga og efnisflutninga hvers konar,
 - o) aðstoðarmenn fagmanna í iðnaði, í byggingariðnaði, þar með talið það starfsfólk sem vinnur að húsbyggingum og efnisflutningum í sambandi við húsbyggingar, svo og aðstoðarmenn fagmanna í járníðnaði, skipasmíði, blikksmíði og öðrum þungaiðnaði,
 - p) bifreiða- og tækjastjórnendur sem stjórna hvers konar tækjum í eigu annarra,
 - q) hvers konar iðnframleiðslu,
 - r) vélstjórar í frystihúsum og verksmiðjum,
 - s) beitningu og uppstokkun í landi svo og nóta-, neta-, og veiðarfæragerð hverskonar.
- 2) Allt það launafólk er starfar í þjónustu ríkisins eða sveitarfélaga og samningar félagsins ná til.
- 3) Verslunar- og skrifstofufólk.
- 4) Sjómenn (háseta, matsveina og vélstjóra).
- 5) Iðnarmenn í málmiðnaði, byggingariðnaði og skrúðgarðyrkju.

2. KAFLI INNGANGA Í FÉLAGIÐ, FÉLAGSAÐILD OG ÚRSÖGN

6. grein Réttur til inngöngu

Rétt til inngöngu í félagið hafa allir launþegar sem uppfylla eftirtalin skilyrði:

- a) Eru starfandi í einhverri þeirri starfsgrein sem samningar félagsins ná til.
- b) Eru fullra 16 ára að aldri.
- c) Standa ekki í óbættum sökum við félagið eða önnur stéttarfélög innan A.S.Í. sem viðkomandi hefur verið félagi í.

7. grein. Innganga í félagið

Allir þeir sem uppfylla ákvæði 6. gr. og greiða til félagsins eiga þess kost að óska eftir inngöngu í félagið.

Sá sem óskar inngöngu í félagið skal senda skrifstofu þess skriflega inntökubeiðni. Telji starfsmenn félagsins hann uppfylla skilyrði í 6. gr. er þeim heimilt að afhenda honum félagsskírteini. Sé vafí um rétt til aðildar skal stjórn úrskurða um málið. Unnt er að skjóta þeirri ákvörðun til úrskurðar trúnaðarráðs og úrskurði þess til miðstjórnar ASÍ.

Hafi launamaður ekki sótt um félagsaðild, en greitt félagsgjald í samræmi við ákvörðun aðalfundar félagsins á hverjum tíma, skal félagið innan 6 mánaða eftir að félagsgjaldi var fyrst skilað senda viðkomandi tilkynningu um greiðslur og kanna hvort hann óskar inngöngu í félagið. Geri launamaður ekki athugasemdir við aðild innan 14 virkra daga frá dagsetningu tilkynningar telst hann orðinn félagsmaður. Kjósi launamaður að hafna félagsaðild telst hann aukafélagi skv. 8. gr. og ekki til fullgildra félagsmanna og nýtur ekki atkvæðisréttar né kjörgengis sbr. 10. gr.

Komi í ljós að launamaður hafi verið tekinn inn í félagið en hafi ekki átt rétt til inngöngu í það, eða veitt villandi upplýsingar, missir hann þegar í stað öll félagsréttindi og verður ekki tekinn í félagið að nýju fyrr en úr er bætt að fullu.

8. grein. Aukafélagar/ Aukaaðild

Þeir sem greiða félagsgjald til félagsins, en óska eftir að ganga ekki í félagið, teljast aukafélagar. Um iðgjöld þeirra sem ekki kjósa að gerast fullgildir félagsmenn, gilda ákvæði, laga, kjarasamninga og samþykktá félagsins á hverjum tíma. Aukafélagar hafa málfrelsi og tillögurétt á fundum félagsins en hvorki atkvæðisrétt né kjörgengi til trúnaðarstarfa innan félagsins og þeirra félagssambanda sem það er aðili að. Að öðru leyti eru skyldur félagsins gagnvart aukafélögum hinar sömu og gagnvart fullgildum félögum. Samninganeftnd getur ákveðið við afgreiðslu einstakra mála, í tengslum við kjarasamninga, að aukafélagar hafi atkvæðisrétt.

Heimilt er að taka í félagið sem aukaféлага launafólk sem er félagar í öðru stéttarfélagi, en vinnur um stundarsakir á félagssvæðinu í einhverri þeirri starfsgrein sem félagið hefur samningsrétt fyrir.

9. grein. Úrsögn

Úrsögn úr féluginu skal vera skrifleg og skal gerð grein fyrir ástæðu hennar. Hún skal afhent skrifstofu ásamt félagsskírteini viðkomandi.

Enginn getur sagt sig úr féluginu eftir að atkvæðagreiðsla um vinnustöðvun hefur verið auglýst, eða ákvörðun um vinnustöðvun hefur verið tekin af féluginu eða trúnaðarráði, og þar til vinnustöðvuninni hefur verið formlega aflýst.

Einnig er óheimilt að segja sig úr féluginu til þess að taka upp störf félagsmanna í öðru félagi innan ASÍ, er lagt hafa niður vinnu vegna kjaradeilu.

3. KAFLI RÉTTINDI OG SKYLDUR FÉLAGSMANNA

10. grein. Réttindi fullgilda félagsmanna

Réttindi fullgilda félagsmanna eru eftirfarandi:

- a) Málfrelsi, tillögu- og atkvæðisréttur á félagsfundum.
- b) Kjörgengi til trúnaðarstarfa innan félagsins og þeirra félagasambanda sem það er aðili að.
- c) Réttur til styrkja úr sjóðum félagsins, sem nánar er ákveðið í reglugerðum þeirra.
- d) Réttur til að vinna við þau störf sem kjarasamningar félagsins taka til og eftir þeim kjörum sem samningarnir ákveða hverju sinni.
- e) Réttur til afnota af orlofshúsum félagsins og öðrum sameiginlegum eignum eftir því sem reglugerðir og samþykktir félagsins kveða á um.
- f) Réttur til að sækja námskeið / fræðslustarf á vegum félagsins, eða samtaka sem það er aðili að.
- g) Réttur til aðstoðar vegna vanefnda atvinnurekenda á kjarasamningum.
- h) Réttur til annarrar þjónustu sem félagið getur veitt varðandi atvinnu- og réttindamál.

Félagsmenn halda félagsréttindum á meðan þeir gegna trúnaðarstörfum í verkalýðshreyfingunni.

11. grein. Skyldur félagsmanna

Skyldur félagsmanna eru þessar:

- a) Að hlíta lögum félagsins, fundarsköpum, fundarsamþykktum og samningum í öllum greinum og stuðla að því að aðrir geri það.
- b) Að greiða félagsgjöld samkvæmt samþykktum félagsins.
- c) Að gegna trúnaðarstörfum fyrir félagið, nema einhver suðað hamli sem félagsfundur tekur gilda. Enginn getur, nema hann beri fram afsökun sem félagsfundur tekur gilda, skorast undan að taka kosningu í stjórn eða útnefningu til annarra starfa í þágu félagsins. Þó getur starfandi stjórnarmaður sem verið hefur samfellt 3 ár eða lengur í stjórn félagsins, skorast undan stjórnarstörfum í jafnlangan tíma. Sama gildir um önnur trúnaðarstörf fyrir félagið.
- d) Að stuðla að því að félagsmenn virði kjarasamninga félagsins.
- e) Að stuðla að því að ófélagsbundnir einstaklingar sem eiga rétt til inngöngu í félagið gerist félagsmenn.

Um ábyrgð og skyldur félagsmanna sem gegna trúnaðarstörfum fyrir félagið er fjallað í 1. – 2. gr. starfs- og siðareglna félagsins, um hæfi sjá 20. – 21. gr. og um þagnar- og trúnaðarskyldu 18. -19. gr.

12. grein. Félagsskírteini

Fullgildum félagsmönnum er skylt að eiga félagsskírteini, enda félagsstjórn skylt að láta þau í té. Við inngöngu á félagsfundi ber félagsmönnum að sýna skírteinið ef formaður og/eða fundarstjóri krefjast þess.

13. grein. Viðurlög við brotum

Ef félagsmaður er sakaður um brot á lögum, reglum eða reglugerðum félagsins skal málið tekið fyrir á stjórnarfundi sem ákveður hvort veita skuli áminningu eða víkja félagsmanni úr féluginu með einföldum meirihluta atkvæða. Hægt er að vísa úr féluginu í lengri eða skemmri tíma, hverjum þeim sem að álíti stjórnarfundar hefur unnið gegn hagsmunum félagsins, bakað því tjón eða gert því eithvað til vansa, svo og hverjum þeim sem ekki hlýðir lögum þess eftir gefna áminningu frá félagsstjórn. Úrskurði stjórnar um áminningu eða brottvísun félagsmanns má vísa til félagsfundar, en úrskurður stjórnar gildir þar til félagsfundur hefur ákveðið annað.

Úrskurði félagsfundar um áminningu eða brottvísun félagsmanns má vísa til framkvæmdastjórnar viðkomandi sérsambands og/eða miðstjórnar A.S.Í., en úrskurður félagsfundar gildir þar til framkvæmdastjórn sérsambands eða miðstjórn A.S.Í. hefur úrskurðað annað.

Hafi félagsmanni verið vikið úr féluginu á hann ekki afturkvæmt í félagið nema inntökubeiðni hans sé samþykkt á lögmætum fundi trúnaðaráðs eða félagsfundi. Um viðurlög við brotum sjá nánar 30. -31. gr. starfs- og siðareglna félagsins.

4. KAFLI FÉLAGSGJÖLD

14. grein. Félagsgjöld

Félagsgjöld eru ákveðin af aðalfundi og skulu þau innheimt sem ákveðinn hundraðshluti af launum. Stjórn félagsins setur reglur um innheimtu iðgjalda. Þeim skal breytt á fundi stjórnar og dugir einfaldur meirihluti atkvæða.

Til að öðlast kosningarátt og kjörgengi sbr. gr. 10 þarf greitt félagsgjald að ná lágmarksupphæð samkvæmt eftirfarandi reglum:

Þegar ársreikningar félagsins eru gerðir upp, skal það yfirfarið, hvað hver og einn hefur greitt í félagsgjald á næstliðnum 6 mánuðum og eftirfarandi ráðstafanir gerðar:

- a) Þeir sem greitt hafa á árinu félagsgjald sem svarar til gjalds af a.m.k. 30% launa miðað við lágmarksdagvinnutryggingu í kjarasamingum Verk Vest verða áfram á skrá sem fullgildir félagsmenn.
- b) Þeir sem greitt hafa minna en 30%, reiknað á sama hátt og skv. a- lið, færast á aukaskrá, sbr. 8. gr. um aukafélaga og njóta þá ekki kosningaráttar né kjörgengis innan félagsins. Greiði þeir aftur á móti 30% gjalds eða meira á næsta ári, færast þeir aftur á aðalskrá og teljast fullgildir félagar.
- c) Þeir sem ekkert hafa greitt til félagsins í 12 mánuði skulu strikaðir út af félagaskrá, nema sannað væri að veikindi, skólaganga, barnsburðarleyfi, langvarandi atvinnuleysi eða aðrar gildar ástæður eru orsök þess að þeir hafa ekki unnið á starfssvæði félagsins. Stjórn félagsins getur ákveðið eftirgjöf félagsgjalda vegna sjúkleika eða annarra sambærilegra ástæðna.
- d) Á meðan atvinnulaus félagsmaður greiðir félagsgjöld af atvinnuleysisbótum sínum heldur hann fullum félagsréttindum.
- e) Félagsmaður sem jafnframt er í námi getur safnað félagsréttindum með greiðslu iðgjalda á meðan nám varir þó ekki sé um samfellaða iðgaldasögu að ræða. Þannig má telja saman iðgaldamánuði til réttindaávinnslu.

Félagsmaður sem skuldar lögboðin gjöld til félagsins fyrir 6 mánuði eða meira en vinnur á félagssvæði félagsins skv. kjarasamningi þess nýtur ekki fullra félagsréttinda skv. 10. gr. s.s. atkvæðisréttar, kjörgengis, né styrkja úr sjóðum félagsins enda er hann sjálfur ábyrgur fyrir að skila gjaldinu s.s. verktakar og sjálfstæðir atvinnurekendur. Félagsréttindi öðlast hann ekki á ný fyrr en skuldin er að fullu greidd.

Þrátta fyrir framanskráðar reglur skulu þeir sem orðnir eru 67 ára að aldri og hafa verið félagsmenn eigi skemur en 5 ár og lokið starfsævinni hjá féluginu hvort heldur er vegna aldurs eða örorku, halda réttindum sem aukafélagar sbr. 8. gr. þótt þeir hverfi af vinnumarkaði, enda hafi þeir ekki gengið í önnur verkalyðsfélög.

5. KAFLI SKIPAN EMBÆTTA, ÁBYRGÐ OG HLUTVERK

15. grein. Stjórn félagsins

Stjórn félagsins hefur á hendi yfirstjórn allra félagsmála milli félagsfunda. Stjórnin ber sameiginlega ábyrgð á eignum félagsins, varðveislu þeirra og viðhaldi, sbr. 3. grein starfs- og siðareglna félagsins um ábyrgð stjórnar. Skylt er stjórn félagsins að stuðla að því að allt er varðar sögu félagsins sé sem best varðveitt.

Stjórn félagsins skipa fjórir aðalmenn: Formaður, varaformaður, ritari og gjaldkeri, ásamt fjórum varamönum. Ennfremur formenn starfsgreinadeilda. Í forföllum deildarformanns tekur varaformaður deildar sæti hans. Varaformaður deildar tekur sæti í stjórn taki formaður deildar sæti sem aðalmaður í stjórn félagsins. Sjá 6. gr. starfs- og siðareglna um ábyrgð og hlutverk formanns, gr. 3.6., 17.1., 23.3. og 24.1 um hlutverk og ábyrgð gjaldkera og gr. 3.8. og 15.2. um hlutverk og ábyrgð ritara.

Í starfs- og siðareglum félagsins er fjallað nánar um ábyrgð, skyldur og verkefni stjórnar, þ.á.m. boðun funda og dagskrá (4.gr.), meðferð mála og ákvarðanir (5. gr), hæfi og trúnaðarskyldu (18.-21. gr.).

16. grein. Trúnaðarráð

Innan félagsins skal starfa trúnaðarráð sem í eiga sæti allir aðalmenn í félagsstjórn, varamenn þeirra, deildarformenn og ennfremur 30 félagsmenn sem eru sérstaklega kosnir til setu í ráðinu. Leitast skal við að sem flestir trúnaðarmenn félagsins sitji í trúnaðarráði.

Formaður félagsins er formaður trúnaðarráðs og ritari félagsins ritari þess.

Í starfs- og siðareglum félagsins er fjallað nánar um ábyrgð, skyldur og verkefni trúnaðarráðs, þ.á.m. boðun funda og dagskrá, meðferð mála og ákvarðanir, hæfi og trúnaðarskyldu, sbr. 10. grein starfs- og siðareglna félagsins.

17. grein. Samninganefnd

Trúnaðaráð geginir störfum samninganefndar félagsins. Hlutverk samninganefndar er að annast kjarasamningagerð fyrir hönd félagsins. Formaður félagsins skal vera formaður samninganefndar og varaformaður í forföllum hans.

Samninganefnd ákveður þann fjölda nefndarmanna sem hún kveður til samningaviðræðna hverju sinni og er heimilt að skipta með sér verkum eftir samningssviðum.

18. grein. Kjörnefnd

Í október annað hvert ár skal á fundi í trúnaðarráði kjósa kjörnefnd fyrir félagið og ræður einfaldur meirihluti niðurstöðu. Stjórn félagsins er heimilt að leggja fram tillögu um nefndarmenn til trúnaðarráðs.

Kjörnefnd skal skipuð sex aðalmönum og þemur varamönum.

Hlutverk kjörnefndar er að gera tillögur um félaga í allar trúnaðarstöður félagsins fyrir næstu tvö ár á eftir. Þær eru:

- a) Formaður.
- b) Varaformaður.
- c) Gjaldkeri.
- d) Ritari.
- e) Fjórir varamenn stjórnar.
- f) Trúnaðarráð.
- g) Launanefnd.
- h) Stjórnir, Orlofssjóðs, Vinnudeilusjóðs, og Fraðslu- og styrktarsjóðs.
- i) Skoðunarmenn reikninga og varamenn þeirra.

Kjörnefnd skal hafa lokið störfum í síðasta lagi 15. desember og afhendir þá stjórn félagsins tillögur sínar. Um hlutverk kjörnefndar sjá 11. gr. starfs- og siðareglna.

19. grein. Kosningar og allsherjaratkvæðagreiðsla

Fyrir 15. janúar annað hvert ár skal stjórn félagsins halda trúnaðarráðsfund, þar sem tillögur kjörnefndar um fulltrúa í trúnaðarstöður til næstu tveggja ára skulu kynntar og síðan bornar undir trúnaðarráð til afgreiðslu. Skal hver staða á lista kjörnefndar borin upp sérstaklega og skal atkvæðagreiðsla vera skrifleg ef breytingartillaga eða tillögur koma fram um lista kjörnefndar. Að lokinni tilnefningu trúnaðarráðs auglýsir stjórn félagsins hverjir skipi listann sem ætíð skal vera A-listi. Listanum skulu fylgja meðmæli 25 fullgildra félagsmanna.

Frá því að listi trúnaðarráðs er auglýstur hafa félagsmenn 14 sólarhringa frest til að bera fram aðra lista eða tillögur um einstök stjórnarsæti sem kjósa skal um. Hver sá listi eða tillaga er fullgild sem fram kemur innan þess tíma og hefur skriflegt samþykki allra þeirra sem boðnir eru fram og meðmæli 25 fullgildra félagsmanna. Listar skulu afhentir kjörstjórn.

Komi fram aðrir listar eða tillögur um einstök stjórnarsæti skal kosning fjögurra stjórnarmanna, varamanna þeirra, trúnaðarráðs, skoðunarmanna og varaskoðunarmanna, launaneftndar, stjórna Orlofssjóðs, Vinnudeilusjóð og Fræðslu- og styrktarsjóðs fara fram að viðhafðri allsherjaratkvæðagreiðslu. Skal þess gætt að haga atkvæðagreiðslu svo, að félagsmenn njóti sem jafnastrarar aðstöðu til að neyta atkvæðisréttar sins án tillits til búsetu.

Allsherjaratkvæðagreiðsla skal fara fram eigi síðar en í byrjun mars. Allsherjaratkvæðagreiðsla skal fara fram í samræmi við reglugerð A.S.Í. um slíkar atkvæðagreiðslur.

20. grein. Kjörstjórn

Við skyldubundna allsherjaratkvæðagreiðslu, skv. 1. gr. reglugerðar ASÍ um leynilega allsherjaratkvæðagreiðslu meðal félagsmanna aðildarsamtaka ASÍ, skal kjörstjórn skipuð þremur mönnum. Félagsstjórn og trúnaðarráð tilnefnir two menn en miðstjórn ASÍ skipar þann þriðja og er hann formaður kjörstjórnar. Jafnmargir skulu tilnefndir til vara á sama hátt.

Hlutverk kjörstjórnar er að sjá um undirbúning og framkvæmd allsherjaratkvæðagreiðslu vegna stjórnarkjörs svo og atkvæðagreiðslur um kjarasamninga, verkföll og aðrar allsherjaratkvæðagreiðslur skv. lögum félagsins. Hún skal í öllu fara eftir reglugerð ASÍ um allsherjaratkvæðagreiðslur. Þegar allsherjaratkvæðagreiðsla er viðhöfð eru úrslit hennar endanleg afgreiðsla félagsins á því máli sem kosið var um.

Kjörtímabil er tvö ár.

21. grein. Siðanefnd, starfs- og siðareglur

Aðalfundur félagsins kýs siðanefnd annað hvert ár. Um skipan siðanefndar og hlutverk svo og meðferð kærumála og viðurlög er fjallað í 28. – 31. gr. starfs- og siðareglina félagsins.

Félagið setur sér starfs- og siðareglur vegna aðkomu fulltrúa félagsins að málum félagsmanna og félagsins sjálfs. Í starfs- og siðareglum skal fjalla nánar um ábyrgð, skyldur og verkefni aðalfundar, trúnaðarráðs, stjórnar, félagsfunda, stjórnarfunda og annarra þeirra fulltrúa er taka að sér trúnaðarstörf fyrir félagið þ.á.m. boðun funda og dagskrá, meðferð mála og ákvarðanir, hæfi fulltrúa og trúnaðarskyldu. Einnig skal fjalla nánar um rekstur skrifstofu, ráðningu starfsmanna, ársreikning félagsins, eftirlit og fjárhagsáætlun.

Eingöngu er hægt að breyta starfs- og siðareglum á aðalfundi félagsins og ræður einfaldur meirihluti afgreiðslu.

Stjórn félagsins setur einnig reglur um ferðakostnað, risnu og gjafir. Þeim skal breytt á aðalfundi með sama hætti og starfs- og siðareglum félagsins.

22. grein. Launaneftnd

Aðalfundur kýs þriggja manna launaneftnd að fenginni tillögu kjörnefndar. Launaneftnd fer með ákvarðanir um laun og starfskjör formanns og annarra stjórnarmanna. Nefndin skal jafnframt leggja til við stjórn almenna starfsjarastefnu félagsins vegna trúnaðarstarfa félagslega kjörinna fulltrúa.

23. grein. Fulltrúar á þingum

Félagsstjórn kýs fulltrúa á þing Alþýðusambands Íslands og landsambanda.

6. KAFLI AÐAL- OG FÉLAGSFUNDIR

24. grein. Aðalfundur

Aðalfundur er æðsta vald í félagslegum og fjárhagslegum málefnum félagsins. Aðalfundur félagsins skal haldinn í apríl eða maí ár hvert. Hann skal boðaður með dagskrá með minnst 7 daga fyrirvara og er lögmætur ef löglega er til hans boðað. Tillögur um breytingar á lögum og reglugerðum félagsins skulu berast stjórn eigi síðar en 5 dögum fyrir aðalfund, Um boðun og framkvæmd aðalfundar sjá nánar 9. gr. starfs- og siðareglna félagsins.

Eftirtalin mál skal taka fyrir á aðalfundi:

- 1) Skýrslur stjórna, sjóða og starfsgreinadeilda fyrir liðið starfsá.
- 2) Endurskoðaðir reikningar félagsins og sjóða lagðir fram til afgreiðslu.
- 3) Lýst kjöri stjórnar, varamanna í stjórn, trúnaðarráðs, sjóðsstjórna, skoðunarmanna og launaneftndar.
- 4) Laga- og reglugerðarbreytingar ef tillögur þar um liggja fyrir.
- 5) Breytingar á starfs- og siðareglum stjórnar og reglum um ferðakostnað risnu og gjafir ef tillögur þar um liggja fyrir.
- 6) Ákvörðun félagsgjalds og hlutfall þess í Vinnudeilusjóð.
- 7) Kosning framkvæmdastjórnar sjúkrasjóðs að fengnum tillögum frá stjórn félagsins annað hvert ár.
- 8) Kosning siðanefndar annað hvert ár.
- 9) Kosning endurskoðanda félagsins annað hvert ár.
- 10) Afgreiðsla tillögu launaneftndar um laun stjórnar og trúnaðarstörf á vegum félagsins.
- 11) Önnur mál.

Ákvarðanir aðalfundar er bindandi þegar einfaldur meirihluti mættra félagsmanna hefur samþykkt þær nema annað sé sérstaklega áskilið í lögum félagsins eða reglugerðum.

25. grein. Félagsfundir

Félagsfundir fara með æðsta vald í félagslegum málefnum félagsins á milli aðalfunda. Félagsfundir skulu haldnir þegar félagsstjórn álítur þess þörf eða minnst 30 fullgildir félagsmenn krefjast þess skriflega og tilgreina fundarefní.

Fundur er löglegur ef löglega er til hans boðað samkvæmt starfsreglum félagsins. Fundum skal stjórnar í samræmi við starfsreglur stjórnar og almennar fundarreglur, sbr. 14. gr. starfs- og siðareglna félagsins.

Óski félagsmaður eftir skriflegri atkvæðagreiðslu á félagsfundi er fundarstjóra skyld að verða við því. Um hlutverk, boðun og ákvarðanahæfi félagsfundar sjá nánar 12. – 14. gr. starfs- og siðareglna félagsins.

7. KAFLI FJÁRMÁL

26. grein. Sjóðir félagsins

Sjóðir félagsins skulu vera þessir: Félagssjóður, Sjúkrasjóður, Orlofssjóður, Vinnudeilusjóður og Fræðslu- og styrktarsjóður, svo og aðrir þeir sjóðir er stofnaðir kunna að verða með aðalfundarsamþykkt. Stjórн félagsins annast vörlu og ávöxtun sjóða félagsins og ber ábyrgð á þeim.

Allir sjóðir félagsins, aðrir en félagssjóður, skulu hafa sérstaka reglugerð, samþykktá aðalfundi. Breytingar á reglugerðum skulu bornar upp af félagsstjórн til samþykktar á aðalfundi félagsins, og taka gildi hljóti þær samþykki einfalds meirihluta fundarmanna. Slískrar tillögu skal getið í fundarboði. Reglugerð hvers sjóðs skal tilgreina hlutverk sjóðsins, tekjur, hvernig verja skal fé hans, skipan og ábyrgð sjóðstjórnar og hvernig honum skuli stjórnað.

Sjóðsstjórнir eru ábyrgar gagnvart stjórн félagsins.. Árskýrslur sjóða skulu tilbúnar eigi síðar en í marslok ár hvert og skal stjórн félagsins leggja þær fyrir aðalfund félagsins ár hvert.

Sjóðir félagsins skulu ávaxtaðir á tryggan hátt í ríkisskuldabréfum, í ríkistryggðum skuldabréfum í bönkum eða í sparisjóðum, í skuldabréfum tryggðum með veði í fasteign eða á annan hátt er stjórн félagsins/sjóðsins metur tryggan og sem samræmist reglum ASÍ þar að lútandi. Ávallt skal þess gætt að fé sjóða sé haldið aðgreindu og að ráðstöfun á fé sjóðs brjóti ekki í bága við tilgang hans og verkefni.

27. grein. Félagssjóður

Félagssjóður greiðir allan almennan kostnað af starfsemi félagsins, svo sem því sameiginlega starfi sem unnið er og þeim kostnaði sem félagið ber af aðild að landsamböndum eða heildarsamtökum launafólks.

Að öðru leyti skal hver sjóður standa straum af sínum kostnaði, samkvæmt reglugerð viðkomandi sjóðs. Um fjármál félagsins fer skv. lögum og viðmiðunarreglum ASÍ.

28. grein. Sjúkrasjóður

Sjúkrasjóður er samtryggingarsjóður þeirra sem greitt er af sjúkrasjóðsiðgjald. Meginhlutverk sjóðsins er að greiða sjóðfélögum launatap vegna veikinda eða slysa eftir að greiðslum samkvæmt kjarasamningi lýkur. Framkvæmdastjórн Sjúkrasjóðs getur lagtfram tillögur að breytingum á reglugerð sjóðsins fyrir stjórн félagsins.

29. grein. Orlofssjóður

Orlofssjóði er ætlað að stuðla að töku orlofs þeirra sem greitt er af orlofssjóðsiðgjald. Orlofssjóður getur þannig staðið fyrir uppbyggingu og rekstri orlofshúsa til endurleigu eða styrkt sjóðfélaga á annan hátt til töku orlofs. Stjórн Orlofssjóðs getur lagt fram tillögur að breytingum á reglugerð sjóðsins fyrir stjórн félagsins.

30. grein. Fræðslu- og styrktarsjóður

Fræðslu- og styrktarsjóður bætur launaskerðingu og kostnað sem félagsmenn, sem starfa samkvæmt kjarasamningum Starfsgreinasambands Íslands við Launaneftnd Sveitarfélaga og Fjármálaráðherra f.h. ríkissjóðs, verða fyrir er þeir sækja sér starfstengda fræðslu og menntun sem fræðslusjóðir þeirra, Sveitamennt og Ríkismennt greiða ekki. Sjóðurinn styrkir einnig til fræðslu og tómstundanáms þá félagsmenn sem eru orðnir 67 ára eða eldri, hafa verið félagsmenn eigi skemur en 5 ár og lokið hafa

starfsævi sinni hjá féluginu. Stjórn Fræðslu- og styrktarsjóðs getur lagt fram tillögur að breytingum á reglugerð sjóðsins fyrir stjórn félagsins.

31. grein. Vinnudeilusjóður

Vinnudeilusjóður skal eingöngu nýttur taki VerkVest ákvörðun um aðgerðir í kjaradeilu svo sem verkföll. Vinnudeilusjóði er ætlað að styðja félagsmenn fjárhagslega, missi þeir laun vegna löglega boðaðrar vinnustöðvunar félagsins eða löglega boðaðs verkbanns atvinnureknda sem gera kjarasamning við félagið. Stjórn Vinnudeilusjóðs getur lagt fram tillögur að breytingum áreglugerð sjóðsins fyrir stjórn félagsins.

32. grein. Ársreikningur

Semja skal ársreikning fyrir félagið í heild og sjóði þess samkvæmt lögum, reglum og góðri reikningsskilavenju. Sjá nánar um fjárhagsáætlun og eftirlit í 22. – 23. gr. starfs- og siðareglna félagsins og um ársreikning í 24. – 27. gr. .

33. grein. Skoðunarmenn reikninga og endurskoðandi

Kjörnir skoðunarmenn félagsins skulu yfirlögmála reikninga félagsins fyrir liðið reikningsár sem er almanaksárið, og gera athugasemdir við þá, telji þeir ástæður til.

Auk athugunar hinna kjörnu skoðunarmanna er stjórn félagsins skylt að láta löggiltan endurskoðanda endurskoða reikninga félagsins og fjárréiður þess í lok hvers reikningssárs. Aðalfundur velur féluginu löggiltan endurskoðanda að fengnum tillögum stjórnar. Endurskoðandi skal sjá til að með endurskoðuðum ársreikningi fylgi endurskoðunarskýrsla sem leggja á fyrir stjórn félagsins.

Endurskoðaðir reikningar félagsins skulu jafnan liggja frammi á skrifstofum félagsins eigi skemur en 7 dögum fyrir aðalfundi, þannig að félagsmönnum gefist kostur á að kynna sér þá áður en reikningarnir eru lagðir fram á aðalfundi. Um skoðunarmenn reikninga er fjallað í 26. gr. starfs- og siðareglna félagsins.

8. KAFLI ÖNNUR ÁKVÆÐI

34. grein. Breytingar á lögum þessum

Lögum þessum má aðeins breyta á aðalfundi, enda sé þess getið í fundarboði að lagabreytingar séu á dagskrá. Ennfremur skulu breytingarnar áður hafa verið ræddar á almennum félagsfundi minnst viku fyrir aðalfund. Tillögu til lagabreytinga, sem einstakir félagsmenn vilja koma á framfæri, skal skila til félagsstjórnar eigi síðar en fyrir lok marsmánaðar ár hvert. Breytingar á lögum taka því aðeins gildi, að þær séu samþykktar með 2/3 hlutum greiddra atkvæða og koma þá fyrst til framkvæmda er miðstjórn ASÍ. og stjórnir sambanda sem félagið er aðili að hafa samþykkt þær.

35. grein. Félagsslit

Komi fram tillaga um að slíta féluginu, verður það því aðeins gert, að ¾ hlutar allra félagsmanna samþykki það að viðhafðri allsherjarkvæðagreiðslu.

Verði samþykkt að leggja félagið niður, skal Alþýðusamband Íslands varðveita eignir þess þar til annað verkalyðsfélag með sama tilgangi er stofnað á félagssvæðinu. Fær það félag þá umráð eignanna, að áskildu samþykki miðstjórnar ASÍ.

Sami háttur skal á hafður um varðveislu eigna félagsins ef starfsemi þess leggst niður án þess að formleg samþykkt þar um hafi verið gerð.

Um úrsögn úr ASÍ eða samtökum sem eiga aðild að ASÍ fer skv. lögum ASÍ eins og þau eru á hverjum tíma.

Lög Verkalýðsfélags Vestfirðinga voru lögð fram og samþykkt á aðalfundi félagsins þann 14. maí 2013 og gilda lögin frá þeim tíma.

Breytingar á lögum Verkalýðsfélags Vestfirðinga voru lagðar fram og samþykktar á framhaldsaðalfundi félagsins þann 18. ágúst 2020 og gilda frá þeim tíma.